

思念的诗句牵挂一个人

1.
独依浙江楼，满耳怨笳哀笛。犹有梨园声在，念那人天北。海棠憔悴怯春寒，风雨怎禁得。回首华清池畔，渺露芜烟荻。——汪元量《好事近·浙江楼闻笛》
2.
故人不可见，汉水日东流。借问襄阳老，江山空蔡州。——王维《哭孟浩然》
- 3.相思似海深，旧事如天远。——乐婉《卜算子》
4.
宿霭迷空，腻云笼日，昼景渐长。正兰皋泥润，谁家燕喜；蜜脾香少，触处蜂忙。尽日无人帘幕挂，更风递、游丝时过墙。微雨后，有桃愁杏怨，红泪淋浪。风流存心易感，但依依伫立，回尽柔肠。念小奁瑶鉴，重匀绛蜡；玉龙金斗，时熨沉香。柳下相将游冶处，便回首、青楼成异乡。相忆事，纵蛮笺万叠，难写微茫。——秦观《沁园春·宿霭迷空》
5.
落日斜，秋风冷。今夜故人来不来，教人立尽梧桐影。——吕岩《梧桐影·落日斜》
6.
闻道春还未相识，走傍寒梅访消息。昨夜东风入武阳，陌头杨柳黄金色。碧水浩浩云茫茫，美人不来空断肠。预拂青山一片石，与君连日醉壶觞。——李白《早春寄王汉阳》
- 7.

青山隐隐水迢迢，秋尽江南草未凋。二十四桥明月夜，玉人何处教吹箫？——杜牧《寄扬州韩绰判官》

8.
昨日山有信，只今耕种时。遥传杜陵叟，怪我还山迟。独向潭上酌，无人林下期。东谿忆汝处，闲卧对鸬鹚。——岑参《还高冠潭口留别舍弟》

9.
芙蓉落尽天涵水，日暮沧波起。背飞双燕贴云寒，独向小楼东畔、倚阑看。浮生只合尊前老，雪满长安道。故人早晚上高台，赠我江南春色、一枝梅。——舒亶《虞美人·寄公度》

10.看朱成碧思纷纷，憔悴支离为忆君。——武则天《如意娘》

11.
关山魂梦长，鱼雁音尘少。两鬓可怜青，只为相思老。归梦碧纱窗，说与人人道。真个别离难，不似相逢好。——晏几道《生查子·关山魂梦长》

12.
灯火钱塘三五夜，明月如霜，照见人如画。帐底吹笙香吐麝，更无一点尘随马。寂寞山城人老也！击鼓吹箫，却入农桑社。火冷灯稀霜露下，昏昏雪意云垂野。——苏轼《蝶恋花·密州上元》

13.
我住长江头，君住长江尾。日日思君不见君，共饮长江水。此水几时休，此恨何时已。只愿君心似我心，定不负相思意。——李之仪《卜算子·我住长江头》

14.
花时同醉破春愁，醉折花枝作酒筹。忽忆故人天际去，计程今日到梁州。——白居易《同李十一醉忆元九》

15.

桂魄初生秋露微，轻罗已薄未更衣。银筝夜久殷勤弄，心怯空房不忍归。
。——王维《秋夜曲》

16.

枝上流莺和泪闻，新啼痕间旧啼痕。一春鱼鸟无消息，千里关山劳梦魂。
。无一语，对芳尊。安排肠断到黄昏。甫能炙得灯儿了，雨打梨花深闭门。
。——秦观《鹧鸪天·枝上流莺和泪闻》

17.

今年游寓独游秦，愁思看春不当春。上林苑里花徒发，细柳营前叶漫新。
。公子南桥应尽兴，将军西第几留宾。寄语洛城风日道，明年春色倍还人。
。——杜审言《春日京中有怀》

18.

小楼还被青山碍，隔断楚天遥。昨宵入梦，那人如玉，何处吹箫？门前朝暮，
无情秋月，有信春潮。看看憔悴，飞花心事，残柳眉梢。——张可久《人月圆·春日湖上》

19.

一夕南风一叶危，荆云回望夏云时。人生岂得轻离别，天意何曾忌险巇。
。骨肉书题安绝徼，蕙兰蹊径失佳期。洞庭湖阔蛟龙恶，却羡杨朱泣路岐。
。——李商隐《荆门西下》

20.

玉楼风迕杏花衫，娇怯春寒赚。酒病十朝九朝嵌。瘦岩岩，愁浓难补眉儿淡。
。香消翠减，雨昏烟暗，芳草遍江南。——乔吉《小桃红·春闺怨》

21.

层波隔梦渚，一望青枫林。有鸟在其间，达晓自悲吟。是时月黑天，四野烟雨深。
。如闻生离哭，其声痛人心。悄悄夜正长，空山响哀音。远客不可听，坐愁华发侵。
。既非蜀帝魂，恐是桓山禽。四子各分散，母声犹至今。——李群玉《乌夜号》

22.

叶底歌莺梁上燕，一声声伴人幽怨。相思了无益，悔当初相见。——朱彝尊《忆少年》

23.

杨柳舞风，轻惹春烟残雨。杏花愁，莺正语，画楼东。锦屏寂寞思无穷，还是不知消息。镜尘生，珠泪滴，损仪容。——顾夔《酒泉子·杨柳舞风》

24.

十年生死两茫茫，不思量，自难忘。千里孤坟，无处话凄凉。纵使相逢应不识，尘满面，鬓如霜。夜来幽梦忽还乡，小轩窗，正梳妆。相顾无言，惟有泪千行。料得年年肠断处，明月夜，短松冈。——苏轼《江城子·乙卯正月二十日夜记梦》

25.

春堤杨柳发，忆与故人期。草木本无意，荣枯自有时。山阴定远近，江上日相思。不及兰亭会，空吟袂褰诗。——孟浩然《江上寄山阴崔少府国辅》

26.

隔花才歇帘纤雨，一声弹指浑无语。梁燕自双归，长条脉脉垂。小屏山色远，妆薄铅华浅。独自立瑶阶，透寒金缕鞋。——纳兰性德《菩萨蛮·隔花才歇帘纤雨》

27.

河汉纵且横，北斗横复直。星汉空如此，宁知心有忆？孤灯暖不明，寒机晓犹织。零泪向谁道，鸡鸣徒叹息。——沈约《夜夜曲》

28.

梅蕊腊前破，梅花年后多。绝知春意好，最奈客愁何。雪树元同色，江风亦自波。故园不可见，巫岫郁嵯峨。——杜甫《江梅》

29.

九街头，正软尘润酥，雪销残溜。袂赏祇园，花艳云阴笼昼。层梯峭空麝散，拥凌波、萦翠袖。叹年端、连环转，烂漫游人如绣。肠断回廊伫久。便写意溅波，传愁蹙岫。渐没飘鸿，空惹闲情春瘦。椒杯香乾醉醒，怕西窗、人散后。暮寒深，迟回处、自攀庭柳。——吴文英《探芳新·吴中元日承天寺游人》

30.

秦楼不见吹箫女，空余上苑风光。粉英金蕊自低昂。东风恼我，才发一衿香。琼窗梦醒留残日，当年得恨何长！碧阑干外映垂杨。暂时相见，如梦懒思量。——李煜《临江仙·秦楼不见吹箫女》

31.

四海十年兵不解，胡尘直到江城。岁华销尽客心惊。疏髯浑似雪，衰涕欲生冰。送老薤盐何处是，我缘应在吴兴。故人相望若为情。别愁深夜雨，孤影小窗灯。——陈克《临江仙·四海十年兵不解》

32.

萋萋芳草春云乱，愁在夕阳中。短亭别酒，平湖画舫，垂柳骄骢。一声啼鸟，一番夜雨，一阵东风。桃花吹尽，佳人何在，门掩残红。——张可久《人月圆·春晚次韵》

33.

几回花下坐吹箫，银汉红墙入望遥。似此星辰非昨夜，为谁风露立中宵。缠绵思尽抽残茧，宛转心伤剥后蕉。三五年时三五月，可怜杯酒不曾消。——黄景仁《绮怀》

34.

凉挂晓云轻，声度西风小。井上梧桐应未知，一叶云鬟袅。来雁带书迟，别燕归程早。频探秋香开未开，恰似春来了。——吴文英《卜算子·凉挂晓云轻》

35.

入夏偏宜澹薄妆，越罗衣褪郁金黄，翠钿檀注助容光。相见无言还有恨，几回判却又思量，月窗香径梦悠飏。——李珣《浣溪沙·入夏偏宜澹

薄妆》

36.

绿杨芳草长亭路，年少抛人容易去。楼头残梦五更钟，花底离愁三月雨。无情不似多情苦，一寸还成千万缕。天涯地角有穷时，只有相思无尽处。——晏殊《玉楼春·春恨》

37.

秋水斜阳演漾金，远山隐隐隔平林。几家村落几声砧。记得西楼凝醉眼，昔年风物似如今。只无人与共登临。——贺铸《减字浣溪沙·秋水斜阳演漾金》

38.

醉拍春衫惜旧香。天将离恨恼疏狂。年年陌上生秋草，日日楼中到夕阳。云渺渺，水茫茫。征人归路许多长。相思本是无凭语，莫向花笺费泪行。——晏几道《鹧鸪天·醉拍春衫惜旧香》

39.

今年二月冻初融，睡起苕溪绿向东。客子光阴诗卷里，杏花消息雨声中。西庵禅伯还多病，北栅儒先只固穷。忽忆轻舟寻二子，纶巾鹤氅试春风。——陈与义《怀天经智老因访之》

40.

春色将阑，莺声渐老，红英落尽青梅小。画堂人静雨蒙蒙，屏山半掩余香袅。密约沉沉，离情杳杳，菱花尘满慵将照。倚楼无语欲销魂，长空黯淡连芳草。——寇准《踏莎行·春暮》

41.

海棠香老春江晚，小楼雾縠空濛。翠鬟初出绣帘中，麝烟鸾佩惹苹风。碾玉钗摇鸂鶒战，雪肌云鬓将融。含情遥指碧波东，越王台殿蓼花红。——和凝《临江仙·海棠香老春江晚》

42.

远与君别者，乃至雁门关。黄云蔽千里，游子何时还。送君如昨日，檐

前露已团。不惜蕙草晚，所悲道里寒。君在天一涯，妾身长别离。愿一见颜色，不异琼树枝。菟丝及水萍，所寄终不移。——江淹《古离别》

43.

好风微揭帘旌起，金翼鸾相倚。翠檐愁听乳禽声，此时春态暗关情，独难平。画堂流水空相翳，一穗香摇曳。教人无处寄相思，落花芳草过前期，没人知。——孙光宪《虞美人·好风微揭帘旌起》

44.

感时思弟妹，不寐百忧生。万里经年别，孤灯此夜情。病容非旧日，归思逼新正。早晚重欢会，羁离各长成。——白居易《除夜寄弟妹》

45.

瑶池阿母绮窗开，黄竹歌声动地哀。八骏日行三万里，穆王何事不重来。——李商隐《瑶池》

46.

官舍悄，坐到月西斜。永夜角声悲自语，客心愁破正思家。南北各天涯。肠断裂，搔首一长嗟。绮席象床寒玉枕，美人何处醉黄花。和泪捻琵琶。——汪元量《望江南·幽州九日》

47.

四月一日天，花稀叶阴薄。泥新燕影忙，蜜熟蜂声乐。麦风低冉冉，稻水平漠漠。芳节或蹉跎，游心稍牢落。春华信为美，夏景亦未恶。颭浪嫩青荷，重栏晚红药。吴宫好风月，越郡多楼阁。两地诚可怜，其奈久离索。——白居易《和微之四月一日作》

48.

去年花里逢君别，今日花开又一年。世事茫茫难自料，春愁黯黯独成眠。身多疾病思田里，邑有流亡愧俸钱。闻道欲来相问讯，西楼望月几回圆。——韦应物《寄李儋元锡》

49.

砧声住，蛩韵切，静寥寥门掩清秋夜。秋心凤阙，秋愁雁堞，秋梦蝴蝶

。十载故乡心，一夜邮亭月。——赵善庆《庆东原·泊罗阳驿》

50.

楚乡春晚，似入仙源。拾翠处、闲随流水，踏青路、暗惹香尘。心心在，柳外青帘，花下朱门。对景且醉芳尊。莫话消魂。好意思、曾同明月，恶滋味、最是黄昏。相思处，一纸红笺，无限啼痕。——晏几道《两同心·楚乡春晚》

51.

愁痕满地无人省，露湿琅玕影。闲阶小立倍荒凉。还剩旧时月色在潇湘。薄情转是多情累，曲曲柔肠碎。红笺向壁字模糊，忆共灯前呵手为伊书。——纳兰性德《虞美人·愁痕满地无人省》

52.

幽闺欲曙闻莺转，红窗月影微明。好风频谢落花声。隔帷残烛，犹照绮屏箏。绣被锦茵眠玉暖，炷香斜袅烟轻。淡蛾羞敛不胜情。暗思闲梦，何处逐云行？——毛熙震《临江仙·幽闺欲曙闻莺转》

53.

何处相逢，登宝钗楼，访铜雀台。唤厨人斫就，东溟鲸脍，圉人呈罢，西极龙媒。天下英雄，使君与操，余子谁堪共酒杯。车千乘，载燕南赵北，剑客奇才。饮酣画鼓如雷。谁信被晨鸡轻唤回。叹年光过尽，功名未立，书生老去，机会方来。使李将军，遇高皇帝，万户侯何足道哉。披衣起，但凄凉感旧，慷慨生哀。——刘克庄《沁园春·梦孚若》

54.

海畔尖山似剑铓，秋来处处割愁肠。若为化得身千亿，散上峰头望故乡。——柳宗元《与浩初上人同看山寄京华亲故》

55.

秋草生庭白露时，故园诸弟益相思。尽日高斋无一事，芭蕉叶上独题诗。——韦应物《闲居寄诸弟》

56.

多少泪，沾袖复横颐。心事莫将和泪滴，凤笙休向月明吹，肠断更无疑。
。——李煜《忆江南·多少泪》

57.

寒日萧萧上琐窗，梧桐应恨夜来霜。酒阑更喜团茶苦，梦断偏宜瑞脑香。
。秋已尽，日犹长，仲宣怀远更凄凉。不如随分尊前醉，莫负东篱菊蕊黄。
。——李清照《鹧鸪天·寒日萧萧上琐窗》

58.

高台多悲风，朝日照北林。之子在万里，江湖迥且深。方舟安可极，离
思故难任！孤雁飞南游，过庭长哀吟。翘思慕远人，愿欲托遗音。形影
忽不见，翩翩伤我心。——曹植《杂诗七首·其一》

59.

自从别后减容光，半是思郎半恨郎。欲识旧来云髻样，为奴开取缕金箱
。——太原妓《寄欧阳詹》

60.

萧萧梧叶送寒声，江上秋风动客情。知有儿童挑促织，夜深篱落一灯明
。——叶绍翁《夜书所见》

61.

袅袅城边柳，青青陌上桑。提笼忘采叶，昨夜梦渔阳。——张仲素《春
闺思》

62.

家住金陵县前，嫁得长安少年。回头望乡泪落，不知何处天边？胡尘几
日应尽？汉月何时更圆？为君能歌此曲，不觉心随断弦！——庾信《怨
歌行》

63.

雅欢幽会，良辰可惜虚抛掷。每追念、狂踪旧迹。长祇恁、愁闷朝夕。
凭谁去、花衢觅。细说此中端的。道向我、转觉厌厌，役梦劳魂苦相忆
。须知最有，风前月下，心事始终难得。但愿我、虫虫心下，把人看待

，长似初相识。况渐逢春色。便是有，举场消息。待这回、好好怜伊，更不轻离拆。——柳永《征部乐·雅欢幽会》

64.

微风惊暮坐，临牖思悠哉。开门复动竹，疑是故人来。时滴枝上露，稍沾阶下苔。何当一入幌，为拂绿琴埃。——李益《竹窗闻风寄苗发司空曙》

65.

春花秋月何时了？往事知多少。小楼昨夜又东风，故国不堪回首月明中。雕栏玉砌应犹在，只是朱颜改。问君能有几多愁？恰似一江春水向东流。——李煜《虞美人·春花秋月何时了》

66.

又到绿杨曾折处，不语垂鞭，踏遍清秋路。衰草连天无意绪，雁声远向萧关去。不恨天涯行役苦，只恨西风，吹梦成今古。明日客程还几许，沾衣况是新寒雨。——纳兰性德《蝶恋花·又到绿杨曾折处》

67.

海天谁放冰轮满，惆怅离情。莫说离情，但值凉宵总泪零。只应碧落重相见，那是今生。可奈今生，刚作愁时又忆卿。——纳兰性德《采桑子·海天谁放冰轮满》

68.

飒飒东风细雨来，芙蓉塘外有轻雷。金蟾啮锁烧香入，玉虎牵丝汲井回。贾氏窥帘韩掾少，宓妃留枕魏王才。春心莫共花争发，一寸相思一寸灰。——李商隐《无题》

69.

风鬟雨鬓，偏是来无准。倦倚玉兰看月晕，容易语低香近。软风吹遍窗纱，心期便隔天涯。从此伤春伤别，黄昏只对梨花。——纳兰性德《清平乐·风鬟雨鬓》

70.

洞庭春晚，旧传恐是，人间尤物。收拾瑶池倾国艳，来向朱栏一壁。透户龙香，隔帘莺语，料得肌如雪。月妖真态，是谁教避人杰。酒罢归对寒窗，相留昨夜，应是梅花发。赋了高唐犹想像，不管孤灯明灭。半面难期，多情易感，愁点星星发。绕梁声在，为伊忘味三月。——辛弃疾《念奴娇·洞庭春晚》

71.思君如满月，夜夜减清辉。——张九龄《赋得自君之出矣》

72.

楼倚春江百尺高，烟中还未见归桡，几时期信似江潮？花片片飞风弄蝶，柳阴阴下水平桥，日长才过又今宵。——张先《浣溪沙·楼倚春江百尺高》

73.

水亭凝望久，期不至、拟还差。隔翠幌银屏，新眉初画，半面犹遮。须臾淡烟薄霭，被西风扫尽不留些。失了白衣苍狗，夺回雪兔金蟆。乘云径到玉皇家。人世鼓三挝。试自判此生，更看几度，小住为佳。何须如钩似玦，便相将、只有半菱花。莫遣素娥知道，和他发也苍华。——刘克庄《木兰花慢·丁未中秋》

74.

人道海水深，不抵相思半。海水尚有涯，相思渺无畔。——李冶《相思怨》

75.

灿灿萱草花，罗生北堂下。南风吹其心，摇摇为谁吐？慈母倚门情，游子行路苦。甘旨日以疏，音问日以阻。举头望云林，愧听慧鸟语。——王冕《墨萱图·其一》

76.

晓月坠，宿云微，无语枕频欹。梦回芳草思依依，天远雁声稀。啼莺散，馀花乱，寂寞画堂深院。片红休埽尽从伊，留待舞人归。——李煜《喜迁莺·晓月坠》

77.

无事经年别远公，帝城钟晓忆西峰。炉烟消尽寒灯晦，童子开门雪满松。
——李商隐《忆住一师》

78.

春欲晚，戏蝶游蜂花烂熳。日落谢家池馆，柳丝金缕断。睡觉绿鬟风乱，
画屏云雨散。闲倚博山长叹，泪流沾皓腕。——韦庄《归国遥·春欲晚》

79.

寸恨谁云短，绵绵岂易裁。半年眉绿未曾开。明月好风闲处、是人猜。
春雨消残冻，温风到冷灰。尊前一曲为谁哉。留取曲终一拍、待君来。
——苏轼《南歌子·感旧》

80.

东武望余杭，云海天涯两渺茫。何日功成名遂了，还乡，醉笑陪公三万场。
不用诉离觞，痛饮从来别有肠。今夜送归灯火冷，河塘，堕泪羊公却姓杨。
——苏轼《南乡子·和杨元素时移守密州》

81.

青青水中蒲，叶短不出水。妇人不下堂，行子在万里。——韩愈《青青
水中蒲三首·其三》

82.

重帟深下莫愁堂，卧后清宵细细长。神女生涯原是梦，小姑居处本无郎。
风波不信菱枝弱，月露谁教桂叶香。直道相思了无益，未妨惆怅是清狂。
——李商隐《无题·重帟深下莫愁堂》

83.

嵩云秦树久离居，双鲤迢迢一纸书。休问梁园旧宾客，茂陵秋雨病相如。
——李商隐《寄令狐郎中》

84.

野花芳草，寂寞关山道。柳吐金丝莺语早，惆怅香闺暗老！罗带悔结同

心，独凭朱栏思深。梦觉半床斜月，小窗风触鸣琴。——韦庄《清平乐·野花芳草》

85.

彻夜西风撼破扉，萧条孤馆一灯微。家山回首三千里，目断天南无雁飞。——赵佶《在北题壁》

86.

楚山不可极，归路但萧条。海色晴看雨，江声夜听潮。剑留南斗近，书寄北风遥。为报空潭橘，无媒寄洛桥。——祖咏《江南旅情》

87.

菡萏香销翠叶残，西风愁起绿波间。还与韶光共憔悴，不堪看。细雨梦回鸡塞远，小楼吹彻玉笙寒。多少泪珠何限恨，倚栏干。——李璟《摊破浣溪沙·菡萏香销翠叶残》

88.

花前失却游春侣，独自寻芳。满目悲凉。纵有笙歌亦断肠。林间戏蝶帘间燕，各自双双。忍更思量，绿树青苔半夕阳。——冯延巳《采桑子·花前失却游春侣》

89.

故园黄叶满青苔，梦破城头晓角哀。此夜断肠人不见，起行残月影徘徊。——顾况《听角思归》

90.

桂叶双眉久不描，残妆和泪污红绡。长门尽日无梳洗，何必珍珠慰寂寥。——江采萍《谢赐珍珠》

本文链接：<https://duanjuziku.com/duanjuzi/9jjgf8f3ku.html>